



Broj predmeta: 10-718/23

Broj akta: 10-722-1/23

Brčko, 30.08.2023. godine

Na osnovu člana 64. člana 65. i člana 70. Zakona o javnim nabavkama BiH („Službeni glasnik BiH“, broj 39/14 i 59/22), Zapisnika o pregledu i ocjeni ponuda broj predmeta: 10-718/23 broj akta: 10-722/23 od 29.08.2023. godine, direktor Zavoda za planiranje, projektovanje i razvoj Brčko distrikta BiH, donosi:

ODLUKU

o izboru najpovoljnijeg ponuđača

Član 1.

Prihvata se preporuka Komisije za javne nabavke, koja je sastavni dio Zapisnika o pregledu i ocjeni ponuda u postupku javne nabavke broj predmeta: 10-718/23 broj akta: 10-722/23 od 29.08.2023. godine da se kao najpovoljnija ponuda za javnu nabavku robe „Stručna literatura“ za potrebe Zavoda za planiranje, projektovanje i razvoj Brčko distrikt BiH prihvati ponuda ponuđača Agencija za izdavanje i prodaju knjiga „KNJIGOLJUBAC“ Brčko distrikt BiH, sa ponudenom cijenom od 4.605,00 KM bez obračunatog PDV.

Član 2.

Nabavka usluga povjeriće se izabranom ponuđaču Agencija za izdavanje i prodaju knjiga „KNJIGOLJUBAC“ Brčko distrikt BiH.

Član 3.

Odluka stupa na snagu sa danom donošenja i dostaviće se ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Službenom zabilješkom broj: 10-718/23 od 25.08.2023. godine. Predmet javne nabavke je roba „Stručna literatura“ za potrebe Zavoda za planiranje, projektovanje i razvoj Brčko distrikta BiH. Javna nabavka je provedena putem direktnog sporazuma. Procijenjena vrijednost javne nabavke iznosi 4.800,00 KM bez uključenog PDV-a. Komisija za javne nabavke formirana Odlukom broj predmeta: 10-718/23 broj akta: 10-718-2/23 od 25.08.2023. godine sačinila je Zapisnik o pregledu i ocjeni ponuda broj predmeta: 10-718/23 broj akta: 10-722/23 od 29.08.2023. godine u kojem je konstatovano da je u predmetnom postupku javne nabavke zaprimljena ukupno jedna ponuda koja je blagovremeno dostavljena. Riječ je o ponudi ponuđača Agencija za izdavanje i prodaju knjiga „KNJIGOLJUBAC“ Brčko distrikt BiH.

Kako se u Zapisniku navodi, Komisija je nakon pregleda i ocjene pristigle ponude konstatovala da je ponuđač Agencija za izdavanje i prodaju knjiga „KNJIGOLJUBAC” Brčko distrikt BiH u datom roku dostavio svu potrebnu dokumentaciju i to:

1. Obrazac za cijenu ponude-Prilog broj 1;
2. Izvod iz sudskog registra ili drugi ekvivalentan dokument izdat od strane nadležnog organa kojim se dokazuje pravo na obavljanje predmetne djelatnosti u smislu člana 46 Zakona o javnim nabavkama BiH (kopija);
3. Uvjerenje o poreskoj registraciji (kopija). U skladu sa članom 21. Zakona o poreskoj upravi Brčko distrikta BiH („Službeni glasnik Brčko distrikta BiH“ broj: 11/20) Poreska uprava određuje i dostavlja JIB broj Osnovnom sudu Brčko distrikta BiH elektronskim putem po postupku i na način propisan Zakonom o registraciji poslovnih subjekata u Brčko distriktu BiH, dakle od 01.01.2021. godine, više ne izdaje uvjerenje o poreskoj registraciji poreskom obvezniku, nego je JIB broj sada sadržan u rješenju o registraciji.

U skladu sa navedenim, Komisija za javne nabavke je dala preporuku da se navedeni ponuđač izabere kao najpovoljniji.

POUKA O PRAVNOM LIJEKU:

Protiv ove Odluke nije predviđeno pravo žalbe.

DIREKTOR

Dedeić Ismet, dipl. inž. saobr.

Dostavljeno:

1. Internet stranici/Oglasnoj ploči Zavoda za planiranje, projektovanje i razvoj Brčko distrikta BiH;
2. Sektoru za planiranje društveno-ekonomskog razvoja i zajedničke poslove;
3. „KNJIGOLJUBAC SP., Brčko;
4. Evidenciji;
5. Arhivi.

